

Trosolwg

Mae'r safon hon yn cynnwys gofalu am y gaseg a'r ebol wrth fwrw ebol. Mae hefyd yn cynnwys gofalu am y gaseg cyn bwrw ebol a gofalu am y gaseg a'r ebol yn syth ar ôl bwrw ebol.

Bydd angen eich bod yn gallu paratoi cyfleusterau ac offer addas, gofalu am y gaseg a'r ebol yr holl amser, ymateb i arwyddion bod y gaseg yn barod i fwrw ebol a chael cyngor a chymorth proffesiynol pan fydd hyn yn angenrheidiol. Bydd angen i chi fod yn gwbl ymwybodol o bwysigrwydd iechyd a lles anifeiliaid mewn cysylltiad â'r gweithgaredd hwn.

Bydd angen i chi adnabod peryglon ac asesu risg yn y gweithle.

Meini prawf perfformiad

Rhaid i chi allu:

1. dewis a gwisgo'r dillad a'r offer amddiffynnol personol priodol ar gyfer y gweithgaredd
2. paratoi cyfleusterau ac offer addas ar gyfer caseg sy'n bwrw ebol
3. gofalu am y gaseg cyn iddi fwrw ebol, yn unol â'r cyfarwyddiadau
4. monitro'r gaseg ac ymateb i arwyddion ei bod ar fin bwrw ebol
5. gofalu am y gaseg wrth iddi fwrw ebol a chael cyngor proffesiynol ar unwaith os ydych yn amau genedigaeth anarferol neu anodd
6. cymryd camau priodol pan nodir arwyddion anarferol yn ymwneud ag iechyd ac ymddygiad
7. gwirio'r brych ar ôl bwrw ebol
8. gofalu am y gaseg a'r ebol am 24 awr ar ôl bwrw ebol
9. cadw lefelau addas o hylendid a bioddiogelwch
10. sicrhau bod gwastraff yn cael ei waredu'n ddiogel ac yn gywir
11. monitro a chynnal eich iechyd a'ch diogelwch eich hun ac eraill, a lles y ceffyl, yn ystod y gweithgaredd

Gwybodaeth a dealltwriaeth

Mae angen i chi wybod a deall:

1. sut i ddewis a gwisgo'r dillad a'r offer amddiffynnol personol priodol ar gyfer y gweithgaredd
2. y mathau o gyfleusterau ac offer sy'n ofynnol i ofalu am y gaseg a'r ebol wrth fwrw ebol
3. y gofynion ar gyfer bwrw ebol yn y stabl a'r cae
4. arwyddion bod caseg ar fin bwrw ebol a'r camau cywir i'w cymryd
5. cyfnodau gwahanol bwrw ebol
6. cyflwyno'n anarferol a phryd i gael cymorth
7. arwyddion anarferol yn ymwneud ag iechyd ac ymddygiad a'r camau priodol i'w cymryd, yn cynnwys hysbysu ynghylch yr arwyddion a chael cymorth
8. y rhesymau dros wirio'r brych ar ôl bwrw ebol a'r problemau yn ymwneud â dargadw
9. y defnydd o deledu cylch cyfyng a larymau caseg
10. y gweithdrefnau yn syth ar ôl esgor
11. pwysigrwydd cynnal hylendid a bioddiogelwch wrth fwrw ebol, a'r dulliau ar gyfer cyflawni hyn
12. y peryglon i geffylau, i chi eich hun ac eraill a sut y caiff y rhain eu rheoli
13. eich cyfrifoldebau yn unol â deddfwriaeth a chodau ymarfer iechyd a lles anifeiliaid ac iechyd a diogelwch perthnasol.

Geirfa

Cyfleusterau ac offer:

- stablu
- deunydd gwely
- golau
- ffôn a rhifau ffôn perthnasol
- coler pen
- carthenni
- colostrwm
- pecyn cymorth cyntaf

Gofalu am y gaseg a'r ebol wrth fwrw ebol

Datblygwyd gan	Lantra
Dyddiad cymeradwyo	31 Ion 2017
Dyddiad Adolygu Dangosol	31 Ion 2021
Dilysrwydd	Ar hyn o bryd
Statws	Gwreiddiol
Sefydliad cychwynnol	Lantra
RCU gwreiddiol	LANEq328
Galwedigaethau perthnasol	Goruchwylydd Ceffylau
Cyfes/Set	Ceffylau
Geiriau Allweddol	ceffylau; ceffyl; caseg; ebol
